

Fangzcwngzgangj Daiqdaeuz Youq Daengx Gih Laeb Aen Gihci Lenzhoz Caepfap Cunghgyau Swvu

防城港率先在全区建立宗教事务联合执法机制

Mboengneix, Fangzcwngzgangj Si youq daengx gih daiqdaeuz yaenqfat 《Aen Gihci Lenzhoz Caepfap Cunghgyau Swvu Fangzcwngzgangj Si》 (lajneix heuhguh 《Gihci》). 《Gihci》 cienzmienh gveih-va le cunghgyau swvu caepfap gij cujciz lingjdauj、ciznwngz boubmonz aeu dawz maz rap、neiyungz cawjdaeuz、gihci haiguh、gihci “lenzhoz caepfap、faenloih cawqleix” caeuq gihci baujjang daengj. Gak boubmonz yaek dawz aen rap fapdingh, doxcaez caepfap, doxbang doxgap, caezsim comzrenz ei fap cawqceq gij saeh famh fap gven-daengz cunghgyau. 《Gihci》 mizyauq cazbouj le congghroh cunghgyau caepfap, doidoengh gamguenj cunghgyau swvu caepfap daengx si guh laeg guh saed, henhoh cunghgyau huzndei onjdingh.

(Danz Sizyenz/谈锡园)

Liujnanz Gih Laebbaenz “Aen Donz Lwnhgangj Lwgloux Hoengz”



▲ Aen biu “lwgloux hoengz Liujnanz ndei”.

柳州市成立 “红石榴宣讲团”

5 nyied 18 hauh, Liujcough Si Liujnanz Gihveij laebbaenz “aen donz lwnhgangj lwgloux hoengz”, caiq haiguh Liujnanz Gih aen ndwen lwnhgangj minzcuz doxgiet baenaj caeuq fatboub aen biu “lwgloux hoengz Liujnanz ndei”. Aen donz lwnhgangj sou le gij vunz baklih buek daih’ it gungh roekcib roek boux, yaek dawz cwngcwz lijln minzcuz cienz doh gih de.

(Liuz Hinghcunz/刘兴存)



▲ Liujnanz Gih fat mbaw saw binyungh hawj doengh boux daibyauf donz lwnhgangj.

Mungzsanh Eu Fwen Diuq Foux Angq Gvaq Cietlijyouz

蒙山载歌载舞欢度旅游节

5 nyied 19 hauh, Vuzcough Si Mungzsanh Yen biujyenj vwnzva leih minz hozdung “5 · 19 aen cietlijyouz Cungguk”. Doiq fwen、gag ciengq、daenj buhraez byaij daiz、cingzgingj biujyenj、foux ndaij daengj cezmuuz cungj gig ndeiawj, yinx le lai boux hekyouz comzyawj. Hozdung neix ndaej coicaenh vwnzva lijyouz Mungzsanh dauqhwnj.

(Gyangh Yungjluz/江永录)



▲ Yienhciengz eu fwen diuq foux, nauhyied raeuh.



▲ Gyoengq lwghag langhbaij doxgaiq guh ndei de.

Ginhsiu Haiguh Bi 2023 Ciz-yez Son’ gyauq Hozdung Couh

金秀启动2023年职业教育活动周

5 nyied 19 hauh, Laizbinh Si Ginhsiu Yauzcuz Swciyen haiguh bi 2023 cizyez son’ gyauq hozdung couh. Gij cawjdae hozdung dwg “dinfwngz: hawj ndwenngoengz engq ndei”, langhbaij gij cingzcik ndei Ginhsiu, fatyiengz gij hwnq seizdaih “guh hong miznaj、dinfwngz dij lai、dajcauh hungmbwk”, guh ok fwnhveiz “bouboux cungj baenz ak、vunzvunz ok rengz hung”.

(Vangz Siufung/黄秀凤 Gauh Sanh/高山)